

ՏՆԱՅԻՆ ԿԵՆԴԱՆԻՆԵՐԻ ԿԱՄԱՎՈՐ ԱՊԱՀՈՎԱԳՐՈՒԹՅԱՆ ԿԱՆՈՆՆԵՐ

ՀԱՍՏԱՏՎԱԾ Է

«ԻՆԳՈ ԱՐՄԵՆԻԱ» ԱՓԲԸ խորհրդի կողմից

Արձանագրություն 204 17/03/2021թ.

ԳՈՐԾՈՂՈՒԹՅԱՆ ՄԵՋ Է

01 մայիսի 2021 թվականից

Կոդ՝ 04.11.41

Խմբագրություն՝ 1.0

ԲՈՎԱՆԴԱԿՈՒԹՅՈՒՆ

1. ԳԼՈՒԽ 1: ԸՆԴՀԱՆՈՒՐ ԴՐՈՒՅԹՆԵՐ	3
2. ԳԼՈՒԽ 2: ԱՊԱՀՈՎԱԳՐՈՒԹՅԱՆ ՕՐՅԵԿՏ.....	4
3. ԳԼՈՒԽ 3: ԱՊԱՀՈՎԱԳՐԱԿԱՆ ՊԱՏԱՀԱՐՆԵՐ, ԱՊԱՀՈՎԱԳՐԱԿԱՆ ՌԻՍԿԵՐ.....	4
4. ԳԼՈՒԽ 4: ԱՊԱՀՈՎԱԳՐԱԿԱՆ ԳՈՒՄԱՐ ԵՎ ԱՊԱՀՈՎԱԳՐԱՎՃԱՐ	7
5. ԳԼՈՒԽ 5: ԱՊԱՀՈՎԱԳՐՈՒԹՅԱՆ ՊԱՅՄԱՆԱԳԻՐԸ ԵՎ ԴՐԱ ԿՆՔՄԱՆ ԿԱՐԳԸ.....	8
6. ԳԼՈՒԽ 6: ԱՊԱՀՈՎԱԳՐԱԿԱՆ ՀԱՏՈՒՑՄԱՆ ՎՃԱՐՄԱՆ ԿԱՐԳԸ.....	8
7. ԳԼՈՒԽ 7: ՊԱՅՄԱՆԱԳՐԻ ԴԱԴԱՐԵՑՈՒՄԸ	10
8. ԳԼՈՒԽ 8: ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ	11
9. ԳԼՈՒԽ 9: ՊԱՅՄԱՆՆԵՐԻ ՓՈՓՈԽՈՒՄ ԵՎ ԼՐԱՑՈՒՄ	13
10. ԳԼՈՒԽ 10: ՎԵՃԵՐԻ ԿԱՐԳԱՎՈՐՈՒՄ.....	13
11. ԳԼՈՒԽ 11. ԱՅԼ ԴՐՈՒՅԹՆԵՐ.....	13
12. ԳԼՈՒԽ 12. ՔԱՂԱՔԱՑԻԱԿԱՆ ՊԱՏԱՍԽԱՆԱՏՎՈՒԹՅԱՆ ԱՊԱՀՈՎԱԳՐՈՒԹՅԱՆ ԼՐԱՑՈՒՑԻՉ ՊԱՅՄԱՆՆԵՐ.....	13

Տնային ԿԵՆԴԱՆԻՆԵՐԻ ԿԱՄԱՎՈՐ ԱՊԱՀՈՎԱԳՐՈՒԹՅԱՆ ԿԱՆՈՆՆԵՐ**1. ԳԼՈՒԽ 1: ԸՆԴՀԱՆՈՒՐ ԴՐՈՒՅԹՆԵՐ**

1.1. Տնային կենդանիների կամավոր ապահովագրության սույն կանոնների (այսուհետ՝ Կանոններ) հիման վրա «ԻՆԳՈ ԱՐՄԵՆԻԱ» Ապահովագրական ՓԲԸ-ն իրականացնում է ոչ կյանքի ապահովագրություն՝ «Հրդեհից և բնական աղետներից ապահովագրություն», «Գույքին հասցված այլ վնասներից ապահովագրություն» և «Ընդհանուր պատասխանատվության ապահովագրություն» դասերով, որի հիման վրա կնքում է ապահովագրության պայմանագրեր/վկայագրեր (այսուհետև՝ Պայմանագիր) ֆիզիկական անձանց հետ:

1.2. Կանոններում կիրառվող անվանումներն ու հասկացությունները որոշ դեպքերում հատուկ պարզաբանվում են համապատասխան սահմանումներով:

1.3. Եթե որևէ անվանման կամ հասկացության նշանակությունը պարզաբանված չէ Կանոններում և չի կարող պարզաբանվել օրենսդրական և ենթաօրենսդրական նորմատիվային ակտերով, ապա նման անվանումը կամ հասկացությունը կիրառվում է իր ուղղակի լեզվական նշանակությամբ:

1.4. Անձը, ով Ապահովագրողի հետ կնքում է Պայմանագիր, այսուհետ անվանվում է Ապահովադիր:

1.5. Կանոններով Ապահովադիր կարող են հանդիսանալ միայն գործունակ ֆիզիկական անձինք:

1.6. Անձը, ում տնային կենդանու հետ կապված ապահովագրական պատահարի առաջացումը հանդիսանում է ապահովագրության պայմանագրի առարկա, այսուհետ անվանվում է Ապահովագրված անձ:

1.7. Եթե Պայմանագիրը կնքելուց հետո պարզվել է, որ Պայմանագրով ապահովագրվել է 2.2-րդ կետում նշված խմբերից որևէ մեկում ընդգրկված կենդանի, ապա Ապահովագրողն իրավունք ունի մերժել ապահովագրական հատուցման վճարումը և միակողմանի վաղաժամակետ դադարեցնել Պայմանագիրը:

1.8. Պայմանագրով ապահովագրական հատուցումը ստանում է Պայմանագրում նշված Շահառուն, իսկ եթե Շահառու նշված չէ, ապա՝ Ապահովագրված անձի ժառանգը՝ ՀՀ օրենսդրությամբ սահմանված դեպքերում և կարգով:

1.9. Կանոնների և վերջինիս հիման վրա կնքված Պայմանագրի միջև տարընթերցումների դեպքում գերակայությունը տրվում է Պայմանագրին:

1.10. Պայմանագրի կնքման ժամանակ Ապահովադիրն տրվում է Կանոնների մեկ օրինակ, ինչի մասին հատուկ նշվում է Պայմանագրում, որի դրույթները դառնում են Պայմանագրի անբաժան մասը և պարտադիր են Ապահովադիրի և Ապահովագրողի համար (այսուհետ՝ միասին՝ Կողմեր):

1.11. Պայմանագրի կնքման ժամանակ Կողմերը կարող են գրավոր (Պայմանագրով կամ առանձին համաձայնությամբ) պայմանավորվել Կանոնների որևէ առանձին դրույթի փոփոխության (բացառման) և/կամ լրացուցիչ դրույթների ավելացման վերաբերյալ:

1.12. Պայմանագրով սահմանված որոշ հասկացություններ.

1.12.1. **Վնասվածք** - ապահովագրական պատահարի հետևանքով ապահովագրված կենդանու օրգանների և հյուսվածքների անատոմիական ամբողջականության կամ ֆիզիոլոգիական գործառնության խախտումներ,

1.12.2. **Էվթանազիա** - կենդանուն անբուժելի, առավել ցավ պատճառող վիճակներից ազատելու, վարքագծային, ֆինանսական կամ այլ պատճառներով կյանքի դադարեցում,

1.12.3. **նույնականացման չիպ/միկրոչիպ (այսուհետ՝ չիպ)** - էլեկտրոնային սարք, նախատեսված կենդանուն նույնականացնելու համար, որը իրենից ներկայացնում է միկրոսխեմա՝ կազմված ընդունիչից, հաղորդիչից և հատուկ կոդի պահպանման համար նախատեսված հիշողության բլոկից:

1.12.4. **տնային կենդանի** - սույն կանոնների շրջանակներում՝ կենդանիներ, որոնք ընտելացվել են մարդու կողմից և պահվում են տնային միջավայրում, այդ թվում սեփական տան բակում՝ տրամադրելով նրանց ապաստան և սնունդ: Ապահովագրության ենթակա տնային կենդանիների կոնկրետ տեսակները նշվում են Պայմանագրում:

2. ԳԼՈՒԽ 2: ԱՊԱՀՈՎԱԳՐՈՒԹՅԱՆ ՕՐՅԵԿՏ

2.1. Սույն Կանոններով ապահովագրության օբյեկտ են հանդիսանում.

2.1.1. ապահովագրված կենդանու (նրա առողջական վիճակի) վնասվածք ստանալու հետ կապված գույքային շահերը,

2.1.2. երրորդ անձանց կյանքին, առողջությանը և/կամ գույքին պատճառված վնասը հատուցելու պարտականության հետ կապված գույքային շահերը (քաղաքացիական պատասխանատվության ապահովագրություն)՝ համաձայն Լրացուցիչ պայմանների:

2.2. Պայմանագրով չեն կարող ապահովագրվել տնային կենդանիները, որոնք.

2.2.1. պայմանագրի կնքման պահին փոքր են 2 ամսականից, կամ մեծ՝ 8 տարեկանից (բացառությամբ վերականգնման դեպքում),

2.2.2. վարակված են կենդանիների առանձնապես վտանգավոր հիվանդություններով (կատաղություն, ժանտախտ և այլն¹),

2.2.3. ներգրավված են անվտանգության պահպանման, որսորդության, ոստիկանական, ռազմական, մրցարշավային կամ այլ տիպի բարձր ռիսկայնություն ունեցող գործունեության մեջ, բացառությամբ ցուցահանդեսներին ներկայացնելը,

2.2.4. օգտագործվում են բուժման, լաբորատոր հետազոտությունների, փորձերի համար:

2.2.5. գյուղատնտեսության մեջ ներգրավված, արդյունաբերական կամ ցանկացած տիպի շահույթ ստանալու նպատակով օգտագործվող կենդանիները:

2.3. Եթե Պայմանագիրը կնքելուց հետո պարզվել է, որ Պայմանագրով ապահովագրվել է 2.2-րդ կետում նշված խմբերից որևէ մեկում ընդգրկված կենդանի, ապա Ապահովագրողն իրավունք ունի մերժել ապահովագրական հատուցման վճարումը և միակողմանի վաղաժամակետ դադարեցնել Պայմանագիրը:

3. ԳԼՈՒԽ 3: ԱՊԱՀՈՎԱԳՐԱԿԱՆ ՊԱՏԱՀԱՐՆԵՐ, ԱՊԱՀՈՎԱԳՐԱԿԱՆ ՌԻՍԿԵՐ

3.1. Ապահովագրական պատահարը Պայմանագրով նախատեսված դեպքն է, որի տեղի ունենալու ժամանակ Ապահովագրողը պարտավորվում է Ապահովագրված անձին կամ Շահառուին վճարել ապահովագրական հատուցում:

3.2. Դժբախտ պատահար է համարվում արտաքին, կարճաժամկետ (մինչև մի քանի ժամ), չմտադրված, անկանխատեսելի պայմանների և հանգամանքների զուգադիպումը, որի դեպքում Ապահովագրված անձի կամ քից անկախ մարմնական վնասվածքների հետևանքով վնաս է հասցվում ապահովագրված տնային կենդանու առողջությանը:

¹ Համաձայն ՀՀ կառավարության 2006թ.-ի օգոստոսի 3-ի համար 1081 «Կենդանիների կարանտինային, հատուկ վտանգավոր եվ պարտադիր ծանուցման ենթակա հիվանդությունների ցանկը հաստատելու մասին» որոշման

Պայմանագրի շրջանակներում դժբախտ պատահար է համարվում, ստորև նշված դիսկերից որևէ մեկի կամ դրանց համակցման հետևանքով առաջացած պատահարը.

- 3.2.1. պայթյունը,
- 3.2.2. կայծակի հարվածը,
- 3.2.3. հոսանքահարումը,
- 3.2.4. տրանսպորտային միջոցի կողմից վրաերթը,
- 3.2.5. այլ կենդանիների հարձակումը,
- 3.2.6. հրդեհը,
- 3.2.7. բնական աղետները (բացառությամբ երկրաշարժը),
- 3.2.8. կոտորանքով գողությունը, ավազակությունը, այլ անձանց կողմից դիտավորությամբ վնասումը,

3.2.9. օտար մարմինների կողմից տալը:

3.3. Կանոնների համաձայն՝ դժբախտ պատահար չեն համարվում բոլոր հիվանդությունները կամ դրանց բարդացումները (ինչպես նախկինում ախտորոշված, այնպես էլ առաջին անգամ հայտնաբերված), ինչպես նաև այն հիվանդությունները կամ դրանց բարդացումները, որոնք առաջացել (զարգացել) են արտաքին գործոնների ազդեցության հետևանքով:

3.4. Ապահովագրական դիսկն, առաջանալու որոշակի հավանականությամբ և պատահականությամբ ապահովագրական պատահարի տեղի ունենալու հետևանքով՝ առաջացող վնասի հնարավորությունն է:

3.5. Կանոնների համաձայն և կողմերի համաձայնությամբ՝ Պայմանագրով կարող են ապահովագրվել Ապահովագրված անձի հետ կապված հետևյալ դիսկերը՝

3.5.1. տնային կենդանու՝ դժբախտ պատահարի հետևանքով առաջացած անասնաբուժական ծախսերը, մասնավորապես՝

3.5.1.1. անհրաժեշտության դեպքում շտապ օգնության կազմակերպում, այսինքն՝ ապահովագրված կենդանու տեղափոխություն ապահովագրական պատահարի վայրից՝ անասնաբուժական կենտրոն և անասնաբուժական կենտրոնից՝ կեցության վայր,

3.5.1.2. բժշկական միջամտություններ, ներառյալ՝ ստացիոնար և ամբուլատոր խնամք, վիրահատություններ, լաբորատոր և գործիքային հետազոտություններ,

3.5.1.3. դեղամիջոցներ, դեղորայքային բուժում, բժշկական պարագաներ,

3.5.2. դժբախտ պատահարի հետևանքով ապահովագրված տնային կենդանուն առավել ցավ պատճառող վիճակներից ազատելու նպատակով էվթանազիան,

3.5.3. Ապահովագրի քաղաքացիական պատասխանատվությունը՝ կապված տնային կենդանու կողմից երրորդ անձանց կյանքին, առողջությանը կամ կենդանուն պատճառված վնասի փոխհատուցման հետ:

Սույն Կանոններով երրորդ անձանց կենդանի բառակապակցությունը ենթադրում է միայն շուն և կատու տեսակի կենդանիներ:

3.6. Կանոնների 3.5-րդ կետում նշված իրադարձությունները չեն համարվում ապահովագրական պատահարներ, եթե դրանց առաջացման պատճառներն են.

3.6.1. առանց այլ կենդանիներին կամ մարդկանց չվնասելու համապատասխան միջոցառումներ ձեռնարկելու (թոկ, դնչկալ և այլն)՝ ապահովագրված կենդանուն դուրս հանելը,

3.6.2. Ապահովագրված կենդանու անցանկալի վերարտադրությունը կանխող միջոցառումների ժամանակին չձեռնարկումը,

3.6.3. Ապահովագրված անձի, Ապահովադրի կամ Շահառուի, ինչպես նաև այն անձանց, որոնք գործում են վերջիններիս հանձնարարությամբ, կողմից կատարված միտումնավոր գործողությունները,

3.6.4. Ապահովագրված կենդանու առողջությանը հասցված վնասը՝ Ապահովագրված անձի կողմից տրանսպորտային միջոցի վարելու ընթացքում՝ առանց այդ դասի տրանսպորտային միջոցի վարելու իրավունքի, կամ այլ անձի կողմից, ով չունի տվյալ տրանսպորտային միջոցը վարելու իրավունք, և տրանսպորտային միջոցի վարումը փոխանցվել է վերջինիս Ապահովագրված անձի կողմից

3.6.5. Ապահովագրված անձի կողմից տրանսպորտային միջոցի վարումը՝ գտնվելով ավտոմոբիլ, թմրադեղերի, թունավոր նյութերի ազդեցության տակ կամ Ապահովագրված անձի կողմից տրանսպորտային միջոցի վարումը ավտոմոբիլ կամ թմրադեղերի ազդեցության տակ գտնվող անձին փոխանցելը, և դրա հետևանքով Ապահովագրված կենդանու առողջությանը հասված վնասը:

3.6.6. միջուկային պայթյունը, ճառագայթումը կամ ճառագայթումից վարակումը, ռազմական գործողությունները, զորաշարժերը կամ դրանց հետևանքները, ժողովրդական հուզումները, պատերազմը, քաղաքացիական պատերազմը, գործադուլները կամ ահաբեկչական գործողությունները,

3.6.7. Ապահովագրված կենդանու հղիությունը կամ դրա ընդհատման հետևանքով պատահարներն ու բարդացումները:

3.7. Եթե այլ բան նախատեսված չէ Պայմանագրով, ապա չեն հատուցվում ստորև նշված ծախսերը.

3.7.1. պատվաստումներ,

3.7.2. պրոֆիլակտիկ բուժզննումներ,

3.7.3. այլ կանխարգելիչ միջոցառումների ծախսեր,

3.7.4. տզի խայթոց, իր բարդացումներով, եթե չեն իրականացվել համապատասխան կանխարգելիչ միջոցառումները (օր. հատուկ դեղամիջոցի կամ վզկապի օգտագործում):

3.7.5. պրոթեզավորման հետ կապված ցանկացած ծախս, բացառությամբ ազդրի, արմունկի կամ ձեռքերի հոդերի փոխարինման հետ կապված միջամտությունները,

3.7.6. վանդակների, զամբյուղների կամ անկողնային ցանկացած այլ պարագաների գնումը, որոնք անհրաժեշտ են բուժման կամ կենդանու ընդհանուր բարեկեցությունը բարելավելու համար,

3.7.7. վարքագծային կամ ֆինանսական խնդիրներից ազատվելու նպատակով էվթանազիան,

3.7.8. ցանկացած տեսակի սննդի, սննդային և/կամ կենսաբանական ակտիվ հավելումների (վիտամիններ և այլն), կոսմետիկ կամ խնամքի պարագաների կամ հանքային աղերի ձեռքբերման ծախսեր,

3.7.9. առանց հենակետային անասնաբուժական կենտրոնի անասնաբույժի ցուցումների կատարված անասնաբուժական ծառայություններ, դեղորայք, հոսպիտալացում, հետազոտություններ կամ այլ պարագաների ձեռքբերում,

3.7.10. ապահովագրության ժամկետի ավարտից 30 օր հետո կատարված բժշկական ծախսերը,

3.7.11. ֆիզիոթերապևտիկ, վերականգնողական, սանատոր-առողջարանային միջոցառումներ կամ բուժում,

3.7.12. ոչ ավանդական, այլընտրանքային (ոչ գիտական) բուժում ու ախտորոշման մեթոդներ, փորձարարական կամ հետազոտական մեթոդներով բուժում, կազդուրման ավանդական համակարգեր, հեռաբժշկության հետ կապված ծառայություններ,

3.7.13. այնպիսի բժշկական ծառայություններից օգտվելու հետ կապված ծախսերը, որոնք ուղղակիորեն կապված չեն տեղի ունեցած դժբախտ պատահարի հետևանքով առաջացած վնասվածքների հետ,

3.7.14. վնասվածքի դեպքում ապահովագրված կենդանուն անհապաղ բուժման չտանելու արդյունքում առաջացած հավելյալ ծախսերը,

3.7.15. համապատասխան մասնագետի կամ անասնաբույժի ցուցումներին չհետևելու արդյունքում առաջացած հավելյալ ծախսերը,

3.7.16. կատարված ցանկացած անասնաբուժական ծախս, եթե պատահարի պահին ապահովագրված կենդանին չի պավորված չի եղել կամ եղել է, բայց Ապահովադիրը Չի պավորման կարգով նախատեսված ձևով՝ ողջամիտ ժամկետներում՝ պատշաճ կերպով Ապահովագրողին չի ծանուցել համապատասխան չի պի համարը:

3.8. Քաղաքացիական պատասխանատվության ներքո ապահովագրական են համարվում պատահարները, որոնք նկարագրված են «Քաղաքացիական պատասխանատվության Լրացուցիչ Պայմաններում»:

4. ԳԼՈՒԽ 4: ԱՊԱՀՈՎԱԳՐԱԿԱՆ ԳՈՒՄԱՐ ԵՎ ԱՊԱՀՈՎԱԳՐԱՎՃԱՐ

4.1. Ապահովագրական գումարը Պայմանագրում սահմանված դրամական գումարն է, որի սահմաններում Ապահովագրողը պարտավորվում է ապահովագրական պատահար տեղի ունենալու դեպքում վճարել ապահովագրական հատուցում:

4.2. Եթե այլ բան նախատեսված չէ Պայմանագրով, Պայմանագրում սահմանված ապահովագրական գումարը հանդիսանում է տվյալ Պայմանագրի շրջանակներում տեղի ունեցած բոլոր ապահովագրական պատահարների գծով Ապահովագրողի կողմից հատուցման ենթակա գումարների ընդհանուր սահմանաչափը:

4.3. Ապահովագրական գումարի չափը որոշվում է կողմերի համաձայնությամբ:

4.4. Պայմանագրի կնքելիս Ապահովագրողը սահմանում է ապահովագրավճարի չափը, որը պետք է վճարի Ապահովադիրը:

4.5. Ապահովագրավճարը ենթակա է ամբողջությամբ վճարման Պայմանագրի կնքման պահին, եթե այլ վճարման կարգ նախատեսված չէ Պայմանագրով:

4.6. Տարաժամկետ վճարման կարգ սահմանող պայմանագրերի դեպքում Ապահովագրողը իրավունք ունի ապահովագրական հատուցումը վճարել միայն պայմանագրի ամբողջ ժամկետի համար ապահովագրավճարի վճարումից հետո:

4.7. Ապահովագրավճարը անկանխիկ եղանակով վճարելու դեպքում Ապահովադիրը պարտավոր է վճարման հանձնարարականում հղում կատարել հաշվի համարին և ամսաթվին, որի հիման վրա կատարվում է ապահովագրավճարի վճարումը, և/կամ ապահովագրության պայմանագրի (վկայագրի) համարին, որի համար իրականացվում է ապահովագրավճարի վճարում:

4.8. Անկանխիկ եղանակով վճարելու դեպքում ապահովագրավճարը համարվում է վճարված Ապահովագրողի հաշվարկային հաշվին մուտքագրվելու պահին:

4.9. Պայմանագրով/վկայագրով սահմանված ժամկետում և չափով Ապահովադիրի կողմից ապահովագրավճարը (ապահովագրավճարի հերթական մասը) չվճարելու դեպքում Ապահովագրողը իրավունք ունի չսահմանել լրացուցիչ ժամկետ ապահովագրավճարի վճարման համար, չծանուցել այդ մասին Ապահովադիրին, միակողմանի դադարեցնել Պայմանագիրը, և ազատվում է Պայմանագրով/վկայագրով սահմանված ապահովագրավճարի հերթական մասի վճարման ամսաթիվ հանդիսացող օրվան հաջորդող օրվա ժամը 00:00-ից հետո տեղի ունեցած իրադարձությունների հետևանքով առաջացած վնասների դիմաց ապահովագրական հատուցումներ իրականացնելու պարտականություններից:

4.10. Ապահովագրողը իր հայեցողությամբ իրավունք ունի սահմանել ապահովագրավճարի վճարման լրացուցիչ ժամկետներ և այդ մասին ծանուցել Ապահովադիրին: Լրացուցիչ ժամկետի սահմանման դեպքում Ապահովագրողը միևնույն է ազատվում է Պայմանագրով/Վկայագրով սահմանված ապահովագրավճարի հերթական մասի վճարման ամսաթիվ հանդիսացող օրվան հաջորդող օրվա ժամը 00:00-ից հետո տեղի ունեցած իրադարձությունների հետևանքով առաջացած վնասների դիմաց ապահովագրական հատուցումներ իրականացնելու պարտականություններից:

5. ԳԼՈՒԽ 5: ԱՊԱՀՈՎԱԳՐՈՒԹՅԱՆ ՊԱՅՄԱՆԱԳԻՐԸ ԵՎ ԴՐԱ ԿՆՔՄԱՆ ԿԱՐԳԸ

5.1. Պայմանագիրը կնքվում է Ապահովադիր գրավոր կամ բանավոր դիմումի հիման վրա:

5.2. Ապահովագրողն իրավունք ունի Ապահովադիրից (Ապահովագրված անձից) պահանջել ներկայացնել փաստաթղթեր և տեղեկություններ ապահովագրական պատահարի ի հայտ գալու հավանականության որոշման նպատակով:

5.3. Պայմանագիրն ուժի մեջ է մտնում ապահովագրավճարի կամ դրա առաջին մասի (տարածամկետ վճարման դեպքում) պահից, եթե այլ բան նախատեսված չէ Պայմանագրով:

5.4. Ապահովագրողի՝ Պայմանագրով սահմանված պատասխանատվությունը դադարում է Պայմանագրի գործողության ժամկետի ավարտին կամ սույն Կանոններում և/կամ Պայմանագրում նախատեսված այլ դեպքերում:

5.5. Ապահովագրության տարածքը Պայմանագրով նախատեսված տարածքն է (աշխարհագրական օբյեկտ, շենք-շինություն և այլն), որի սահմաններում տարածվում է Պայմանագրի գործողությունը, և միայն որի սահմաններում տեղի ունեցած ապահովագրական պատահարները Կանոնների համաձայն կարող են համարվել ապահովագրական պատահար: Եթե այլ բան նախատեսված չէ Պայմանագրով, Ապահովագրության տարածք է հանդիսանում Հայաստանի Հանրապետության և Լեռնային Ղարաբաղի Հանրապետության տարածքը և Պայմանագրով հատուցման ենթակա են բացառապես ՀՀ, ԼՂՀ տարածքում գործող և լիցենզավորված անասնաբուժական հաստատություններից ստացված ծառայությունների, ձեռքբերված դեղորայքի, բժշկական պարագաների համար կատարված ծախսերը:

6. ԳԼՈՒԽ 6: ԱՊԱՀՈՎԱԳՐԱԿԱՆ ՀԱՏՈՒՑՄԱՆ ՎՃԱՐՄԱՆ ԿԱՐԳԸ

6.1. Պայմանագրով նախատեսված ծառայություններից օգտվելու համար Ապահովագրված անձը պետք է դիմի Կանոններում և/կամ Պայմանագրում սահմանված անասնաբուժական կամ այլ հաստատություններ:

6.2. Եթե այլ բան նախատեսված չէ Պայմանագրով, Ապահովագրողի հայեցողությամբ ապահովագրական հատուցումը կարող է տրամադրվել՝

6.2.1. Ապահովագրված տնային կենդանու ստացած անասնաբուժական օգնության (անասնաբուժական ծառայությունների, ինչպես նաև դեղորայքի և բժշկական պարագաների) արժեքի վճարման ձևով՝ անմիջապես անասնաբուժական ծառայություն մատուցած հաստատությանը (կամ այլ հաստատությանը, այդ թվում՝ դեղատանը)՝ համաձայն համապատասխան հաստատության կողմից ներկայացված հաշիվների,

6.2.2. Ապահովագրված տնային կենդանու ստացած անասնաբուժական օգնության (անասնաբուժական և այլ ծառայությունների ստացման, ինչպես նաև դեղորայքի և բժշկական

պարագաների ձեռքբերման) համար ապահովագրված անձի կողմից կատարված ծախսերի փոխհատուցման ձևով՝ Կանոններով նախատեսված փաստաթղթերի հիման վրա:

6.3. Առանց վճարում կատարելու Պայմանագրով տրամադրվող ծառայություններից օգտվելու համար Ապահովագրված անձը պարտավոր է անասնաբուժական կամ այլ հաստատություններ դիմելուց առաջ նախապես տեղեկացնել (հեռախոսով, էլեկտրոնային փոստով կամ գրավոր) Ապահովագրողին և ստանալ Ապահովագրողի համաձայնությունը: Սույն կետով սահմանված կարգով Ապահովագրողի համաձայնությունը ստանալու և Ապահովագրողի հետ համաձայնեցված բուժհաստատությանը դիմելու դեպքում Ապահովագրված անձը Պայմանագրով հատուցվող ծառայությունների դիմաց վճարում չի իրականացնում (բացառությամբ այն դեպքերի, երբ կիրառվում է չհատուցվող գումար կամ սահմանված են հատուցման սահմանաչափեր), և ապահովագրական հատուցումը կատարվում է Կանոնների 6.2.1 կետով սահմանված կարգով:

6.4. 6.3 կետով սահմանված կարգով Ապահովագրողի համաձայնությունը չստանալու դեպքում մատուցված բժշկական ծառայությունների դիմաց վճարում է Ապահովագրված անձը և ապահովագրական հատուցումը ստանում Կանոնների 6.2.2 կետով սահմանված կարգով:

6.5. Պայմանագրով նախատեսված ծառայությունների տրամադրման համար Պայմանագրով, Կանոններով կամ Փաթեթով կարող են սահմանվել որոշակի անասնաբուժական հաստատություն(ներ) (այդ թվում նաև՝ դեղատներ)՝ Հենակետային հաստատություն(ներ), և այդ դեպքում Պայմանագրով նախատեսված ծառայությունները տրամադրվում են այդ հաստատության(ների) կողմից մատուցվող ծառայությունների սահմաններում և նրանց կողմից սահմանված կարգերով, և Պայմանագրի շրջանակներում ապահովագրական հատուցումը տրամադրվում է միայն այդ հաստատությունում(ներում) ստացված ծառայությունների դիմաց:

6.6. Ապահովագրողն ապահովագրական պատահարի կարգավորման համար 6.8 կետում նշված անհրաժեշտ բոլոր փաստաթղթերը ստանալուց հետո ոչ ուշ, քան 10 աշխատանքային օրվա ընթացքում պարտավոր է քննել հայտը և կայացնել ապահովագրական հատուցում վճարելու կամ հատուցման վճարումը մերժելու մասին որոշում:

6.7. Ապահովագրական հատուցումը կատարվում է հատուցման մասին որոշման կայացումից հետո ոչ ուշ, քան 5 աշխատանքային օրվա ընթացքում:

6.8. Ապահովագրական պատահարի հետևանքով անասնաբուժական ծախսերի դեպքում՝ Ապահովագրական հատուցում ստանալու համար Շահառուն պարտավոր է ներկայացնել հետևյալ փաստաթղթերը.

- ապահովագրական վկայագրի բնօրինակը կամ պատճենը,
- ապահովագրական հատուցում ստանալու դիմում (Ապահովագրողի կողմից սահմանված ձևով) ապահովագրական պատահարի մանրամասն նկարագրությամբ և ապահովագրական հատուցում ստանալու եղանակների նշմամբ (կանխիկ կամ բանկային փոխանցումով),
- անասնաբուժական հաստատության կամ անասնաբույժի կնիքով և իրավասու անձի ստորագրությամբ հաստատված փաստաթուղթ (էպիկրիզ, քաղվածք ամբուլատոր-բժշկական քարտից, բժշկի եզրակացություն, բժշկական հաստատության կողմից տրված տեղեկանք, հիվանդության պատմություն և այլն), որը պետք է պարունակի, կատարված լաբորատոր կամ գործիքային հետազոտությունները, միջամտությունները, վիրահատությունը, վերջնական ախտորոշումը և նշանակված բուժումը, անասնաբույժի անուն ազգանունը և կոնտակտային տվյալները,
- կատարված վճարումը հավաստող փաստաթղթերի՝ ՀԴՄ կտրոնի՝ ծախսերի մանրամասն բացվածքի հետ միասին (դրամարկղի մուտքի անդորրագրի (օրդեր) և այլն), կանխիկ վճարման հաշվի բնօրինակները,
- ապահովագրական հատուցում ստացող անձի ինքնությունը հավաստող փաստաթղթի բնօրինակը կամ պատճենը,

- ապահովագրական հատուցման որոշման կայացման համար այլ անհրաժեշտ փաստաթղթեր:

6.9. Ապահովագրիրը (Շահառուն) պարտավոր է ապահովագրական հատուցման դիմումը ներկայացնել ապահովագրական պատահարից ոչ ուշ, քան 60 օր հետո:

6.10. Ապահովագրիրը կամ Շահառուն պարտավոր է Կանոններով սահմանված ապահովագրական հատուցման համար անհրաժեշտ փաստաթղթերը ներկայացնել ապահովագրական հատուցման դիմումի ներկայացման օրվանից 60 օրվա ընթացքում: Ապահովագրողը, ելնելով տվյալ գործի հանգամանքներից, կարող է այդ ժամկետը երկարաձգել մինչև 6 (վեց) ամիս, եթե Ապահովագրիրը (Շահառուն) գրավոր միջնորդություն է ներկայացնում փաստաթղթերի ներկայացման խոչընդոտների կամ այլ պատճառաբանությամբ սահմանված ժամկետը երկարաձգելու մասին:

6.11. Անհրաժեշտության դեպքում Ապահովագրողը ՀՀ օրենսդրությամբ սահմանված կարգով տեղեկություններ է ստանում իրավապահ մարմիններից, անասնաբուժական կամ բժշկական հաստատություններից և այլ կազմակերպություններից՝ կապված ապահովագրական պատահարի հանգամանքների հետ:

6.12. Ապահովագրական հատուցման մերժման դեպքում Ապահովագրողը կայացնում է պատճառաբանված որոշում, որը հնգօրյա ժամկետում պատվիրված նամակով ուղարկվում է (կամ տրամադրվում է առձեռն) Ապահովագրին (Շահառուին):

6.13. Ապահովագրողն իրավունք ունի հետաձգել ապահովագրական հատուցման որոշման կայացումը կամ վճարումը.

- եթե նրա մոտ առաջացել են հիմնավոր կասկածներ Ապահովագրված անձի (Շահառուի) ապահովագրական հատուցում ստանալու իրավունքի վերաբերյալ,

- եթե առկա է տվյալ պատահարի կարգավորման հետ ուղղակի կամ անուղղակի կերպով առնչվող՝ հարուցված քաղաքացիական, քրեական կամ դատական կարգով վարչական գործ,

- մինչև Ապահովագրողի կողմից ապահովագրական պատահարի վերաբերյալ տեղեկություն ունեցող հաստատություններից և կազմակերպություններից փաստաթղթերի ստացումը, ինչպես նաև մինչև ապահովագրական պատահարի վկաներից վկայությունների ստացումը:

6.14. Ապահովագրական հատուցում կարող է վճարվել նաև Շահառուի ներկայացուցչին համապատասխան լիազորագրի առկայության դեպքում:

6.15. Ապահովագրական հատուցում ստանալու համար ներկայացված բոլոր բժշկական փաստաթղթերում պետք է ներառվեն Ապահովագրված կենդանու անունը, տեսակը, չիպի համարը, տարիքը, հայտարարված պատահարի ամսաթիվը և հանգամանքները, նշանակված և իրականացված բուժումը, բուժման սկիզբը և ավարտը, կատարված անասնաբուժական միջոցառումների անվանումները, անասնաբույժի կողմից սահմանված ախտորոշումը՝ հաստատված պրակտիկայում ընդունված հետազոտությունների մեթոդներով, բոլոր ախտորոշիչ հետազոտությունների (լաբորատոր, կլինիկական, լուսաճառագայթային և այլն) արդյունքները, իրականացված վիրահատության արձանագրությունը:

7. ԳԼՈՒԽ 7: ՊԱՅՄԱՆԱԳՐԻ ԴԱԴԱՐԵՑՈՒՄԸ

7.1. Պայմանագրի գործողությունը դադարում է, եթե.

7.1.1. Պայմանագրի գործողության ժամկետն ավարտվել է,

7.1.2. ապահովագրված կենդանին կյանքից հեռացել է,

7.1.3. Պայմանագրում սահմանված ապահովագրական գումարի չափով Ապահովագրողը կատարել է ապահովագրական հատուցում վճարելու գծով իր պարտավորությունները,

7.1.4. Ապահովադիրը կամ Ապահովագրողը հրաժարվել է Պայմանագրից, ընդ որում՝ Կողմերն իրավունք ունեն հրաժարվել Պայմանագրից ցանկացած պահի՝ այդ մասին ոչ պակաս, քան 15 օր առաջ ծանուցելով մյուս Կողմին, պայմանով, որ հրաժարման պահին ապահովագրական պատահարի տեղի ունենալու հավանականությունը չի վերացել,

7.1.5. Ապահովագրական ընկերության ապահովագրական գործունեության լիցենզիան ուժը կորցրած է ճանաչվել,

7.1.6. Պայմանագիրը լուծվել է Ապահովադիրի և Ապահովագրողի փոխադարձ համաձայնությամբ,

7.1.7. Պայմանագիրը լուծվել է ՀՀ քաղաքացիական օրենսգրքով կամ Կանոններով կամ Պայմանագրով նախատեսված այլ հիմքերով,

7.1.8. դատարանի կողմից Պայմանագիրն անվավեր է ճանաչվել: Այս դեպքում Ապահովագրողը պարտավոր է վերադարձնել Ապահովադիրին ապահովագրավճարներն ամբողջությամբ, իսկ Ապահովադիրը՝ հատուցել Ապահովագրողի կրած ծախսերը:

7.2. Ապահովադիրի կողմից Պայմանագրի չլրացած օրերի համար վճարված չլինելու դեպքում Ապահովադիրը Ապահովագրողին պարտավորվում է վճարել Պայմանագրի շրջանակներում տրամադրված հատուցումների (այդ թվում նաև՝ հատուցման ենթակա, սակայն դեռևս չհատուցված գումարները) չափով՝ ոչ ավել, քան չգործած օրերի համար Ապահովագրողի կողմից չվաստակած ապահովագրավճարը:

Սույն կետի իմաստով ապահովագրավճարի՝ չլրացած ժամկետի համար վճարված մասի հաշվարկման համար Ապահովագրողի կողմից հիմք են ընդունվում Ապահովադիրի կողմից Պայմանագրի համաձայն Ապահովագրողին փաստացի վճարված ապահովագրավճարների 80%-ը ((վճարված ապահովագրավճար * 80 % / պայմանագրի գործողության օրեր) * պայմանագրի չլրացած օրեր):

7.3. Ապահովագրողի նախաձեռնությամբ Պայմանագրի լուծման դեպքում Ապահովագրողն ապահովագրավճարից համամասնորեն վերադարձնում է Պայմանագրի չլրացած օրերի գծով վճարված ապահովագրավճարը առանց որևէ պահումների:

8. ԳԼՈՒԽ 8: ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

8.1. Ապահովադիրն իրավունք ունի.

8.1.1. ստանալ ցանկացած բացատրություն Պայմանագրի շրջանակներում,

8.1.2. ստանալ վկայագրի կրկնօրինակը բնօրինակի կորստի դեպքում,

8.1.3. Պայմանագրի կնքման ժամանակ նշել Շահառուին (մեկ կամ մի քանի անձ)՝ Ապահովագրված անձի մահվան դեպքում հատուցում ստանալու համար,

8.1.4. Ապահովագրողի համաձայնությամբ Պայմանագրում կատարել փոփոխություններ,

8.1.5. վաղաժամկետ դադարեցնել Պայմանագիրը:

8.2. Ապահովադիրը պարտավոր է.

8.2.1. Պայմանագրով սահմանված ժամկետներում և չափով վճարել ապահովագրավճարները,

8.2.2. Պայմանագրի շրջանակներում հայտնել Ապահովագրողի համար հետաքրքրություն ներկայացնող ստույգ տեղեկատվություն,

8.2.3. գրավոր ձևով հայտնել Ապահովագրողին փոփոխությունների մասին, որոնք նա մտադիր է ներառել Պայմանագրի պայմաններում,

8.2.4. ապահովագրական պատահարի ի հայտ գալու դեպքում անհապաղ տեղեկացնել Ապահովագրողին կատարվածի մասին,

8.2.5. Ապահովագրողին ցանկացած հնարավոր միջոցով անհապաղ (իսկ 3 աշխատանքային օրվա ընթացքում՝ նաև գրավոր) հայտնել Պայմանագրի գործողության ընթացքում Պայմանագրի

կնքման ժամանակ Ապահովագրողին ներկայացված հանգամանքների, ռիսկի աստիճանի փոփոխության մասին, ինչպես նաև հետևյալ հանգամանքների դեպքում.

8.2.5.1. Ապահովագրված անձի գործունեության վայրի կամ բնակության վայրի փոփոխություն,

8.2.5.2. Ապահովագրված կենդանու բնակության պայմանների փոփոխություն,

8.2.5.3. Ապահովագրված կենդանու առողջության վատթարացում,

8.2.5.4. այլ տնային կենդանու/կենդանիների ձեռքբերում:

8.3. Ապահովագրողն իրավունք ունի.

8.3.1. ստուգել Ապահովադիր, Ապահովագրված անձի և Շահառուի կողմից ներկայացված տեղեկատվությունը,

8.3.2. մերժել ապահովագրական հատուցման (ամբողջությամբ կամ մասնակի) վճարումը, եթե Ապահովադիրը (Ապահովագրված անձը) կամ Շահառուն.

8.3.2.1. չի կատարել Կանոններով և Պայմանագրով սահմանված իր պարտականությունները,

8.3.2.2. խախտել է Կանոններով սահմանված ապահովագրական հատուցում ստանալու համար Ապահովագրողին դիմելու և/կամ հատուցման որոշման կայացման համար անհրաժեշտ փաստաթղթերի ներկայացման ժամկետները,

8.3.2.3. Պայմանագիրը կնքելիս կամ դրա գործողության ընթացքում հայտնել է իրականությանը չհամապատասխանող, կեղծ տեղեկություններ կամ ապահովագրական պատահարի հետ կապված հանգամանքների վերաբերյալ հայտնել է անարժանահավատ տեղեկատվություն,

8.3.2.4. կատարել է այնպիսի գործողություններ, որոնց արդյունքում անհնարին է դարձել Ապահովագրողի կողմից ապահովագրական պատահարի հանգամանքների պարզմանն ուղղված գործողությունների իրականացումը (անհնարին է դարձել ապահովագրական պատահարի հետաքննության անցկացումը),

8.3.2.5. Պայմանագրի կնքման պահին և դրա գործողության ընթացքում հայտնել է Ապահովագրված կենդանու առողջական վիճակի մասին սխալ տեղեկություններ, կամ թաքցրել ռիսկի աստիճանի վրա ազդող տեղեկություններ,

8.3.2.6. Կանոններով սահմանված կարգով անհապաղ չի տեղեկացրել ապահովագրական պատահարի հայտանիշեր ունեցող իրադարձության ի հայտ գալու մասին,

8.3.2.7. չի ներկայացրել փաստաթղթեր և տեղեկություններ, որոնք անհրաժեշտ են ապահովագրական պատահարի հայտանիշեր ունեցող իրադարձության բնույթի և պատճառների հաստատման համար և նրա կապը ի հայտ եկած հետևանքների հետ,

8.3.2.8. Պայմանագրով նախատեսված ժամկետներում ապահովագրավճարը չի վճարել կամ վճարել է ոչ լրիվ.

8.3.3. պահանջել վճարված հատուցման վերադարձ, եթե ապահովագրական հատուցման վճարումից հետո ի հայտ են գալիս ապահովագրական հատուցման վճարումը մերժելու սույն Կանոններով և ՀՀ օրենսդրությամբ նախատեսված հիմքեր:

8.4. Ապահովագրողը պարտավոր է.

8.4.1. ծանոթացնել Ապահովադիրին ապահովագրության Կանոններին,

8.4.2. թողարկել ապահովագրական վկայագիր,

8.4.3. Կանոններով սահմանված ժամկետներում և կարգով կայացնել ապահովագրական հատուցման վճարման կամ մերժելու մասին որոշում,

8.4.4. Կանոններով սահմանված դեպքում, ժամկետներում և կարգով վճարել ապահովագրական հատուցումը,

8.4.5. պահպանել ապահովագրական գաղտնիք հանդիսացող տեղեկությունները:

9. ԳԼՈՒԽ 9: ՊԱՅՄԱՆՆԵՐԻ ՓՈՓՈԽՈՒՄ ԵՎ ԼՐԱՑՈՒՄ

9.1. Ապահովագրողն իրավունք ունի միակողմանի՝ առանց Ապահովադրի համաձայնության, փոփոխություն և/կամ լրացում կատարելու Կանոններում:

9.2. Կանոններում փոփոխություն և/կամ լրացում կատարելու դեպքում Ապահովագրողը պարտավոր է ոչ ուշ, քան նման փոփոխությունների կատարումից մեկ ամիս առաջ դրա մասին գրավոր ծանուցել Ապահովադրին:

9.3. Կատարված փոփոխությունների և/կամ լրացումների հետ համաձայն չլինելու դեպքում Ապահովադրին իրավունք ունի միակողմանի լուծելու Պայմանագիրը:

10. ԳԼՈՒԽ 10: ՎԵՃԵՐԻ ԿԱՐԳԱՎՈՐՈՒՄ

10.1. Կանոնների համաձայն կնքված ապահովագրության պայմանագրերի/վկայագրերի շրջանակներում Կողմերի միջև ծագած վեճերը լուծվում են բանակցությունների միջոցով: Անհամաձայնության (համաձայնության չգալու) դեպքում վեճերը լուծվում են ՀՀ օրենսդրությամբ սահմանված կարգով:

11. ԳԼՈՒԽ 11. ԱՅԼ ԴՐՈՒՅԹՆԵՐ

11.1. Սույն Կանոնների համաձայն Ապահովագրողի կողմից Ապահովադրի (Շահառուի) հասցեին ուղարկված բոլոր ծանուցումները և գրությունները համարվում են պատշաճ ծանուցված, եթե պահպանվել են հետևյալ պայմաններից որևէ մեկը.

11.1.1. ծանուցումն ուղարկվել է փոստային առաքմամբ՝ ապահովագրության Պայմանագրում կամ հայտային դիմումում նշված հասցեով,

11.1.2. ծանուցումն ուղարկվել է SMS հաղորդագրությամբ՝ ապահովագրության Պայմանագրում կամ Ապահովադրի (Շահառուի) և/կամ նրա լիազոր անձի կողմից տրամադրած այլ փաստաթղթի մեջ (հայտային դիմում, հայտարարություն, և այլն) նշված հեռախոսահամարով,

11.1.3. ծանուցումն ուղարկվել է էլեկտրոնային նամակի տեսքով՝ ապահովագրության Պայմանագրում կամ հայտային դիմումում նշված էլեկտրոնային հասցեով:

11.2. Հասցեների և/կամ վերոնշյալ ռեկվիզիտների փոփոխության դեպքում ապահովադիրը (Շահառուն) պարտավոր է այդ մասին ողջամիտ ժամկետում տեղեկացնել Ապահովագրողին: Եթե Ապահովագրողին ողջամիտ ժամկետում չեն տեղեկացրել հասցեների և/կամ այլ ռեկվիզիտների փոփոխության մասին, ապա Ապահովադրին (Շահառուին) ուղարկված բոլոր ծանուցումները/գրությունները հին հասցեներով/ռեկվիզիտներով համարվում են պատշաճ ծանուցված այն ամսաթվից, երբ այդ ծանուցումները ստացվել են այդ հասցեներում:

12. ԳԼՈՒԽ 12. ՔԱՂԱՔԱՑԻԱԿԱՆ ՊԱՏԱՍԽԱՆԱՏՎՈՒԹՅԱՆ ԱՊԱՀՈՎԱԳՐՈՒԹՅԱՆ ԼՐԱՑՈՒՑԻՉ ՊԱՅՄԱՆՆԵՐ

12.1. Սույն՝ Քաղաքացիական Պատասխանատվության Ապահովագրության Լրացուցիչ պայմաններով (այսուհետ՝ Լրացուցիչ պայմաններ) ԻՆԳՈ ԱՐՄԵՆԻԱ ԱՓԲԸ-ն կնքում է գույքային շահերի կամավոր ապահովագրության պայմանագրեր՝ կապված ֆիզիկական անձանց (բացի Ապահովադրից, Շահառուից և նրանց ընտանիքի անդամներից) առողջությանը հասցված վնասի հատուցման պատասխանատվության ռիսկի հետ:

12.2. Ապահովագրության Պայմանագրով երրորդ անձանց կյանքին, առողջությանը կամ կենդանուն պատճառված վնասների հատուցման պատասխանատվության ռիսկը կարող է ապահովագրվել ինչպես ի օգուտ Ապահովադրի, այնպես էլ այլ անձանց, ում վրա այդպիսի պատասխանատվություն կարող է դրվել:

Եթե այլ բան նախատեսված չէ ապահովագրության Պայմանագրով, սույն Լրացուցիչ պայմանների 12.7 կետով սահմանված ապահովագրական պատահարների գծով ապահովագրված անձինք են:

12.2.1. Ապահովագրված կենդանու սեփականատերերը, նրանց ընտանիքի անդամները,

12.2.2. Ապահովագրված կենդանու սեփականատերերի համաձայնությամբ առաջինիս ժամանակավոր խնամակալ հանդիսացող անձինք:

12.3. Ապահովագրական ռիսկ է համարվում ենթադրելի պատահարը, որի տեղի ունենալու համար կնքվում է ապահովագրության Պայմանագիրը:

12.4. Եթե այլ բան նախատեսված չէ ապահովագրության Պայմանագրով, չեն կարող ապահովագրվել տնային կենդանիները, որոնք պատկանում են հետևյալ ցեղատեսակներից որևէ մեկին կամ դրանց խառնուրդ են համարվում բանդոգ, ամերիկյան պիտբուլտերիեր, անգլիական մաստիֆ, բրազիլական բուլդոգ, բուլի կուտտա, բուլմաստիֆ, բուլտերիեր, գայլաշուն, շնագայլ, գյուլ դոնգ, կովկասյան հովվաշուն, կանարյան շուն, քեյն կորսո, մոսկովյան պահակաշուն, գերմանական դոգ, պիտբուլմաստիֆ, ռոթվեյլեր, ռումինական հովվաշուն, տոսա ինու, ֆիլա բրազիլեյրո:

12.5. Ապահովագրական պատահար է համարվում ապահովագրության Պայմանագրով նախատեսված սույն Լրացուցիչ պայմանների 12.7.1-12.7.3 կետերում նշված իրադարձություններից մեկի տեղի ունենալը, որի հետևանքով Ապահովագրողը պարտավորվում է իրականացնել ապահովագրական հատուցում:

12.6. Սույն Լրացուցիչ պայմանների համաձայն ապահովագրական պատահար են համարվում Ապահովագրված կենդանու ագրեսիվ և/կամ անկանխատեսելի գործողությունների հետևանքով ապահովագրության Պայմանագրով սահմանված ապահովագրության տարածքում Ապահովագրված անձի ոչ դիտավորյալ մեղավորությամբ ֆիզիկական անձանց կյանքին, առողջությանը կամ կենդանուն հասցված վնասի համար պատասխանատվությունը:

12.7. Եթե այլ բան նախատեսված չէ ապահովագրության Պայմանագրով, սույն Լրացուցիչ պայմաններով ապահովագրության է ենթակա պատասխանատվությունը, կապված.

12.7.1. երրորդ անձանց, ապահովագրված կենդանու պատճառած վնասվածքների հետևանքով, մահվան հետ,

12.7.2. երրորդ անձանց, ապահովագրված կենդանու պատճառած վնասվածքների հետևանքով առաջացած, բժշկական ծախսերի հետ,

12.7.3. երրորդ անձանց տնային կենդանիների, ապահովագրված կենդանու պատճառած վնասվածքների հետևանքով առաջացած, անասնաբուժական ծախսերի հետ:

Վնասի պատճառման փաստը պետք է հաստատվի դատական մարմինների (դատարաններ, արբիտրաժներ, և այլն) ուժի մեջ մտած որոշումով (վճռով) կամ արտադատական կարգով՝ Ապահովագրողի համաձայնությամբ Ապահովադրի (Ապահովագրված անձի) կողմից երրորդ անձանց կյանքին, առողջությանը, տնային կենդանուն հասցված վնասի հատուցման մարմնական կամ գույքային հայտի ընդունման միջոցով, կամ Ապահովագրողի համաձայնությամբ և ներկայությամբ ստորագրված հաշտության համաձայնագրով:

12.8. Ապահովագրական ծածկույթը տարածվում է միայն այն ապահովագրական պատահարների վրա, որոնք տեղի են ունեցել ապահովագրության Պայմանագրի գործողության ժամկետի ընթացքում:

12.9. Սույն Լրացուցիչ պայմանների համաձայն ապահովագրությունը չի տարածվում քաղաքացիական պատասխանատվության վրա, որը կապված է (պատահարները չեն համարվում ապահովագրական պատահարներ).

12.9.1. ՀՀ գործող օրենսդրությամբ պարտադիր պատվաստումների չանցկացման հետ, որը ուղիղ պատճառ է հանդիսացել պատահարի առաջացմանը,

12.9.2. տրանսպորտային միջոցների տնօրինման, տիրապետման կամ օգտագործման հետ,

12.9.3. Պայմանագրի կամ Ապահովագրի (Ապահովագրված անձի) հետ համաձայնության հիման վրա ծագած ֆինանսական պարտավորությունների հետ, ինչպես նաև վճարումների հետ, որոնք կատարվել են բնեղեն ձևով պարտավորությունների կատարման փոխարեն կամ որպես պատժամիջոցներ, կամ բաց թողնված օգուտի վերաբերյալ պահանջներ,

12.9.4. այնպիսի վնասների պահանջների հետ, որոնք գերազանցում են ՀՀ գործող Օրենսդրությամբ սահմանված ծավալները և չափերը (գերազանցող մասով),

12.9.5. Ապահովագրական տարածքից դուրս հասցված վնասների պահանջների հետ,

12.9.6. եթե այլ բան նախատեսված չէ՝ միևնույն ապահովագրության պայմանագրով ապահովագրված Ապահովագրի (Ապահովագրված անձանց)՝ միմյանց դեմ ներկայացված պահանջների հետ,

12.9.7. պատերազմական գործողությունների, ապստամբությունների, քաղաքացիական հուզումների, զինված խմբավորումների կամ ահաբեկիչների հետևանքով կամ պատճառով առաջացած վնասների հետ,

12.9.8. կենդանիների (թռչունների) պահպանման, տնօրինման՝ օրենսդրությամբ սահմանված անվտանգության կանոնների խախտման հետ,

12.9.9. եթե պատահարի պահին ապահովագրված կենդանին չի պավորված չի եղել կամ եղել է, բայց Ապահովագրի Չի պավորման կարգով նախատեսված ձևով՝ ողջամիտ ժամկետներում՝ պատշաճ կերպով Ապահովագրողին չի ծանուցել համապատասխան չի պի համարը:

12.10. Ապահովագրության Պայմանագրով նշված Ապահովագրողի պատասխանատվության սահմանաչափը (ապահովագրական գումարը) համարվում է միասնական սահմանաչափ բոլոր տեսակների պատահարների և վնասների համար:

Ապահովագրության Պայմանագրով կարող են սահմանվել պատասխանատվության առանձին սահմանաչափեր. Ապահովագրության յուրաքանչյուր ռիսկի համար, յուրաքանչյուր պատահարի համար, յուրաքանչյուր տուժողի համար, և այլն:

12.11. Ապահովագրական հատուցման ընդհանուր գումարը ապահովագրության ժամկետի ընթացքում տեղի ունեցած բոլոր պատահարների գծով համախառն, չի կարող գերազանցել այդ ժամկետի համար Ապահովագրողի պատասխանատվության սահմանաչափը:

12.12. Քաղաքացիական պատասխանատվության ապահովագրության գծով ապահովագրական պատահարի տեղի ունենալու դեպքում Ապահովագրի կամ Ապահովագրված անձը, ի լրումն Կանոնների 10-րդ կետով սահմանված պարտավորություններից, պարտավոր են.

12.12.1. Անհապաղ տեղեկացնել Ապահովագրողին սույն Լրացուցիչ պայմանների համաձայն ապահովագրական պատահարի բնույթ ունեցող դեպքի կապակցությամբ իրեն ներկայացվող բոլոր պահանջների վերաբերյալ,

12.12.2. Ապահովագրողին ցուցաբերել բոլոր հնարավոր աջակցություն կազմակերպելու և իրականացնելու համար արտադատական պաշտպանություն՝ վնասի հատուցման պահանջի ներկայացման դեպքում,

12.12.3. Ապահովագրողին ներկայացնել իրեն հասանելի ամբողջ տեղեկատվությունը և փաստաթղթերը, որոնք հնարավորություն կտան բացահայտելու ապահովագրական պատահարի բնույթը, պատճառները, հետևանքները և վնասի չափը,

12.12.4. Չիրականացնել հատուցումներ, ամբողջությամբ կամ մասնակի չընդունել մեղավորություն, ինչպես նաև առանց Ապահովագրողի համաձայնության իր վրա չվերցնել ուղղակի կամ անուղղակի պարտավորություններ՝ երրորդ անձանց կողմից ներկայացված պահանջի կարգավորման համար:

12.13. Ապահովագրական հատուցումը հաշվարկվում է ՀՀ Օրենսդրությամբ սահմանված՝ վնասների հատուցման չափով, և իրականացվում է ապահովագրական պատահարի փաստի, պատճառների և հանգամանքների պարզելուց և վնասի չափի որոշումից հետո, որոնք կատարվում են իրավասու մարմինների կողմից տրամադրված փաստաթղթերի, ինչպես նաև վնասի չափը և պատահարի հանգամանքները հավաստող այլ փաստաթղթերի հիման վրա:

12.14. Այն դեպքում, եթե բացակայում է ապահովագրական պատահար տեղի ունենալու մասին վեճ, տուժողի մոտ առկա է ապահովագրական հատուցման ստացման իրավունք, իսկ Ապահովագրողի (Ապահովագրված անձի) մոտ՝ այն հատուցելու պարտավորություն, առկա է ապահովագրական պատահարի, վնասի և վնասի չափի միջև պատճառահետևանքային կապ, և առկա է Ապահովագրողի համաձայնությունը, ապա հայտարարված պահանջները բավարարվում են և ապահովագրական հատուցումը վճարվում է արտադատական (կամավոր) կարգով:

12.15. Ապահովագրական հատուցման արտադատական կարգով վճարման դեպքում վնասի չափի որոշումը և ապահովագրական հատուցման չափը որոշում է Ապահովագրողը՝ հիմք ընդունելով պատահարի փաստերի, պատճառների, հանգամանքների և հետևանքների վերաբերյալ իրավասու մարմինների փաստաթղթերը (բժշկական հաստատություններ, բժշկական-աշխատանքային մասնագիտական խորհուրդներ, սոցիալական ծառայության օրգաններ, և այլն), հաշվի առնելով տեղեկանքները, հաշիվ-ապրանքագրերը, նախահաշիվները և կատարված ծախսերը/անհրաժեշտ կատարվելիք ծախսերը հավաստող այլ փաստաթղթերը:

12.16. Ապահովագրական պատահարի պատճառների և հանգամանքների կամ վնասի չափի վերաբերյալ վեճերի առկայության դեպքում ապահովագրական հատուցումը իրականացվում է դատարանի (կամ արբիտրաժի) կողմից օրինական ուժի մեջ մտած որոշման կամ վճռի հիման վրա, կամ Ապահովագրողի համաձայնությամբ և ներկայությամբ ստորագրված հաշտության համաձայնագրի հիման վրա:

12.17. Ապահովագրական հատուցումը իրականացվում է Ապահովագրողի պահանջով ներկայացվող հետևյալ փաստաթղթերի առկայության դեպքում.

12.17.1. Ապահովագրողի (Ապահովագրված անձի) կամ նրա ներկայացուցչի կողմից.

12.17.1.1. Ապահովագրական պատահարի մասին տեղեկացում Ապահովագրողին՝ Կանոններով և/կամ Պայմանագրով սահմանված ձևով և ժամկետներում,

12.17.1.2. Ապահովագրության Պայմանագրի բնօրինակ,

12.17.1.3. Իրավասու մարմինների տեղեկանքներ և այլ փաստաթղթեր, որոնք հաստատում են երրորդ անձանց վնաս պատճառած ապահովագրական պատահարի տեղի ունենալու փաստը (ԱԻՆ, ՈՍ, և այլն), և որոնք թույլ են տալիս դատել պատահարի հանգամանքների, բնույթի և հետևանքների, ինչպես նաև վնասի չափի և մեղավոր կողմի մասին,

12.17.1.4. Ապահովագրողի կողմից սույն Լրացուցիչ պայմանների և/կամ ապահովագրության Պայմանագրի համաձայն հատուցման ենթակա Ապահովագրողի (Ապահովագրված անձի) ծախսերի փաստը, չափը և նպատակը հավաստող փաստաթղթեր,

- 12.17.1.5. Վնաս կրած երրորդ անձի պահանջ (գրավոր հայտ),
12.17.1.6. Ապահովագրողի պահանջով՝ Դատարանի ուժի մեջ մտած որոշում:

Ապահովագրողի որոշմամբ սույն թվարկումը կարող է կրճատվել՝ համաձայն սույն Լրացուցիչ պայմաններով նախատեսված դեպքերի:

- 12.17.2. Վնաս կրած երրորդ անձանց կամ նրանց ներկայացուցիչների կողմից.

12.17.2.1. Ապահովագրական պատահարի մասին դիմում-հայտ՝ Ապահովագրողի կողմից սահմանված կամ Ապահովագրողի հետ համաձայնեցված ձևով կամ եղանակով՝ ապահովագրական պատահարի տեղի ունենալու կամ բացահայտելու ամսաթվից հետո 3 ամսվա ընթացքում: Սույն ժամկետի չպահպանման դեպքում Ապահովագրողը իրավունք ունի մերժել ապահովագրական հայտը՝ ժամկետի ուշացման համար հիմնավոր պատճառաբանություն չստանալու դեպքում:

12.17.2.2. Ապահովագրողի պահանջով՝ օրինական ուժի մեջ մտած դատական որոշման (վճռի) վավերացված կրկնօրինակը և կատարման ակտի բնօրինակը (դատական կարգավորման դեպքում, բացառությամբ հաշտության համաձայնագրով կարգավորման դեպքում),

12.17.2.3. Երրորդ անձանց պատճառված վնասի փաստը հավաստող տեղեկանք կամ փաստաթուղթ՝ իրավասու մարմինների կողմից (ԱԻՆ, ՈՍ, և այլն), որոնք հնարավորություն կտան դատել պատահարի բնույթի, հանգամանքների և հետևանքների, վնասի մասշտաբի և մեղավոր կողմերի վերաբերյալ,

12.17.2.4. Վնաս կրած երրորդ անձի ներկայացուցչի կողմից ապահովագրական հատուցումը ստանալու դեպքում՝ նոտարով հաստատված լիազորագիր,

12.17.2.5. Տուժողը՝ ապահովագրական պատահարի արդյունքում առողջության վնասների համար լրացուցիչ ծախսերի, բուժման և դեղորայքի համար (որոնց համար տուժողը պետ.պատվերի շրջանակներում չի ստանում բուժօգնություն) ներկայացնում է.

12.17.2.5.1. Բժշկական հաստատության կողմից տրամադրված հիվանդության պատմության քաղվածք,

12.17.2.5.2. Բժշկական հաստատության ծառայությունների համար կատարված ծախսերը հավաստող փաստաթղթեր,

12.17.2.5.3. Դեղորայքների ձեռքբերումը հավաստող փաստաթղթեր:

12.18. Փաստաթղթերը Ապահովագրողի համաձայնությամբ կարող են տրամադրվել նաև էլեկտրոնային եղանակով՝ Ապահովագրողի պաշտոնական էլեկտրոնային հասցեին ուղարկման միջոցով, կամ տարբեր կրիչներով տրամադրման եղանակով (DVD, CD, հիշողության կրիչ, և այլն):

12.19. Փաստաթղթերը պետք է լինեն բացառապես հայերեն լեզվով կազմված կամ թարգմանված: ՀՀ տարածքից դուրս տրամադրված փաստաթղթերը ընդունվում են միայն ՀՀ տարածքում դրանց լեզվի միջոցով ճանաչման պարագայում (ապոստիլային հաստատում, նոտար, և այլն):

12.20. Ապահովագրողի որոշմամբ սույն կետում թվարկված փաստաթղթերի ցանկը կարող է կրճատվել, եթե դրանք չեն ազդում դիմելի գնահատման, ապահովագրական պատահարի փաստի հավաստման, ինչպես նաև վնասի չափի և հատուցում ստացող անձի որոշման վրա:

12.21. Ապահովագրական հատուցման գումարի մեջ ներառվում են.

12.21.1. Ֆիզիկական անձանց կյանքին հասցված վնասների դեպքում.

12.21.1.1. Ապահովագրական գումարի 100%-ի չափով հատուցում,

12.21.2. Ֆիզիկական անձանց առողջությանը հասցված վնասների դեպքում.

12.21.2.1. Առողջության վերականգման համար անհրաժեշտ ծախսերը (բուժման և դեղորայքի),

12.21.3. Ֆիզիկական անձանց տնային կենդանիների առողջության հասցված վնասների դեպքում.

12.21.3.1. Տնային կենդանու առողջության վերականգման համար անհրաժեշտ ծախսերը (բուժման և դեղորայքի),

12.21.4. Ապահովագրողի հետ համաձայնեցված ծախսերը՝ Ապահովադրի (Ապահովագրված անձի) մեղավորության աստիճանի, պատահարի հանգամանքների և վնասի չափի նախնական բացահայտման նպատակով:

12.22. Քաղաքացիական պատասխանատվության ապահովագրությամբ ապահովագրական հատուցումը ուղղակիորեն իրականացվում է վնաս կրած անձանց՝ համաձայն վերջիններիս կողմից ներկայացված դիմումի, պահանջների և հատուցման ստացման եղանակի: Ապահովագրողը իրավունք ունի հատուցել այն անձին, ում պատասխանատվությունը ապահովագրված է, օրինական ուժի մեջ մտած դատական վճռի համար կատարված ծախսերի համար՝ Պայմանագրով սահմանված չափով կամ սահմանաչափի սահմաններում:

12.23. Ապահովագրողը իրավունք ունի մերժել ապահովագրական հատուցումը, եթե տեղի է ունեցել.

12.23.1. Ապահովադրի (Ապահովագրված անձի) կամ վնաս կրած երրորդ անձանց դիտավորյալ գործողություններ՝ միտված ապահովագրական պատահարի տեղի ունենալուն, բացառությամբ երրորդ անձանց կյանքին և առողջությանը պատճառված վնասների: Վերջիններիս դեպքում Ապահովագրողը իրավունք ունի կիրառել հետադարձ պահանջի իրավունք՝ մեղավոր անձի նկատմամբ, հատուցված վնասի չափով:

12.23.2. Ապահովագրողին ապահովագրական պատահարի մասին տեղեկացնելու ժամկետների խախտում կամ վնասի փաստը և չափը հավաստող փաստաթղթերի չներկայացումը, եթե դա ազդել է ապահովագրական հատուցման վճարման Ապահովագրողի պարտավորության վրա:

12.23.3. Դիտավորյալ անգործություն, որի արդյունքում չեն ձեռնարկվել վնասի նվազեցման համար ողջամիտ և հասանելի միջոցներ:

12.24. Սույն Լրացուցիչ Պայմաններով չկարգավորվող բոլոր այլ դեպքերի համար կիրառվում են ապահովագրության Կանոնները:

12.25. Սույն Լրացուցիչ պայմանների և Կանոնների միջև անհամապատասխանության դեպքում առաջնահերթությունը տրվում է սույն Լրացուցիչ պայմաններին: